

Goibekokale

ELGETA / Eguena / 2004ko abenduaren 23a / 211. zenbakia

20004
urteari
begiratu
ELGETA



Berraondokoa z/g ELGETA
Tel.: 943 76 82 02 Faxa: 943 76 82 98

Zorionak eta urte berri on!

URTARRILA OTSAILA



"Matxura taldearekin eman nuen lehen kontzertuan Elgetako jendea ikusteak ilusio handia egin zidan"

GORKA ARIZMENDIARRIETAI
MATXURA TALDEKO ABESLARIA ETA GITARRISTA
2002-01-25

OSPAKIZUNAK

San Sebastian kofradiaren ospakizuna usadioari eutsiz

Mendetako usadioari eutsiz, Elgetako San Sebastian kofradiako kideek santuaren omenez ospakizuna egin zuten San Sebastian Egunean.

Errege Katolikoaren garaian sortu zuten kofradia jauntxoek eta nobleek. Gaur egun, haien lurrak edo baserriak erosi zituztenak edo haien oinordekoak dira partaideak, 35 guztira.

Kideak ez ezik ohiturak ere aldatu dira. Garai batean prozesioa egiten zuten anaikideek jantzi dotoreekin, eta hainbat arau bete behar zituzten. Esaterako, inork ezin zuten hutsik egiten San Sebastian Eguneko ospakizunera, bestela zigorra jasotzen zuen-eta.

Orain, meza, batzarra eta bazkaria baino ez dute egiten, eta aurreten ere hala egin dute. /2004-01-23



"Ordenagailuak biltegian falta dena kontrolatzea erraztu digu"

LUIS MARI ARANTZETA
OZKARBI ELKARTEKO PRESIDENTEA
2004-02-27

UDALA

Alderdien arteko eztabaida saihebidetaren inguruan

Elgetan egin nahi duten saihebidetaren polemika piztu zuen Udaleko alderdien artean.

Saihebidetaren egiteko konpromisoa hartu ondoren, Aralarrek publiko egin zuen erabakia. EAJ-EAkoek, ordea, gezurretan ari zirela esan zieten.

Arazo horren gaineko azalpenak emanez Aralarrek prentsaurrekoan egin zuen. Esan zuten Aralarreko batzarkideak eta

EAJ-EAko Gipuzkoako Batzar Nagusietako aurrekontua zela eta negoziazioak izanzituztela; eta horri esker egingo zela saihebidetaren proiektua.

Bide batez, Aralarrek esan zuten EAJ-EAko udal ordezkariari publikoki barkamena eskatzeko, behin baino gehiagotan Aralarrek saihebidetaren gainean esandakoa gezurra zela esateagatik. /2004-02-06



"Inauterietako dantza errazak aukeratu ditugu herritar guztiek egiteko"

MIREN ATXOTEGI
DANTZA IRAKASLEA
2004-02-13

KULTURA

Goibeko kultura elkarteak urteko batzarra egin zuen

Urteko batzarra egin zuten Goibeko elkarteak hainbat bazkidek. Bertan, besteak beste, urteko ekintzen berri eman zuten eta Goierna Komunikazio Zerbitzuetako partaidetza ere izan zuten hizketarako gai. Baina garrantzitsuenak Espaloia Kafe Antzokiaren gainean esan zituztenak izan ziren. /2004-02-13

ELKARTASUNA

Uste baino janari gehiago Saharako errefuxiatuendako

Gosez hil nahi gaituzte izenburupean kanpaina egin zuten Saharako errefuxiatuei laguntzeko. Urtarrilean janariak eta dirua jaso zituzten. Umeek azukrea, arroza, lekaleak, pasta, olio eta atuna eraman zituzten eskolara. Udalak, berriz, kanpainarako laguntza ekonomikoa ematea erabaki zuen. /2002-01-11



Basamortura bidali zuten laguntza.

GARRAIOA

Taxi zerbitzua garraioaren arazoa konpontzeko

Herritarrek garraio publikoa erabiltzeko arazoak izan dituzte sarritan zerbitzua urria delako. Arazoari irtenbidea emateko hainbat aukera aztertzen zituzten, besteak beste taxi zerbitzua abian ipintzea. Ordu zehatzetan taxia herrian egoteak izango lukeen kostuaren berri jaso zuten. /2004-02-20

JAIK

Santa Ageda eta San Blas jaiak ospatu zituzten

Otsailaren 4an, Santa Ageda bezperan, koplak kantari irten ziren eskolako umeak herriko kaleetara. Bestalde, herritarrek San Blas eguna izen bereko ermitan, Arantzeta, ospatu zuten otsailaren 8an. Meza, opilen bedekinatzea, hamaitakoa eta trikitilariak ez ziren falta izan bertan. /2004-02-06

ELURRA

Elurte egunetan informazioa emateko zerbitzua abian

Elurra diharduen egunetan eguraldiaren eta errepideen egoeraren berri emateko momenturako zerbitzua ipini zuen abian Udalak. Informazioa telefonoz eta webgunearen bidez emango dute. Otsailean izandako elurtearen harira bi egunetan 70 deitiko gora jaso zituzten informazioa eskatuz. /2004-04-27

GABON ZORIONTSUAK IGARO!



INDUSTRIAS EVE, SA
Trokelgintza eta estanzapazioa

Pagatza polig. Elgeta. 943 76 80 99

Arantzeta masajistak

- Osteopatia
- Kirol masajea
- Kiromasajea

Urte berri on denoi!


Salvador 28 • Tel.: 943 76 80 54 • 943 76 81 90 • ELGETA

MARTXOA



"Aerobikeko monitore ona izateko oso saltseroa izan behar da"

ERIKA AZKONA
AEROBIK IRAKASLEA
2004-03-05



"Nafarroa eta Errioxatik etortzen dira aurkariak, eta oso maila altua dute"

ETOR GARATE
PILOTARIA
2004-03-26

GAZTEAK

Gaztetxearen zortzigarren urteurrena ospatu zuten

Zortzi urte bete ziren martxoaren 20an gaztetxeak atea ireki zituenetik. Hori zela eta, hainbat ekitaldi egin zituzten hilabete osoan: hitzaldiak, kontzertuak, kale bilkura, umeen eguna, antzerkia, mahai-ingurua...

Egunean bertan, herri bazkaria izan zen, eta bazkalostea trikiti doinuz, bertsoz eta ezusteko alaitu zuten. Gauean, berriz, kontzertuarekin ospatu zuten zortzigarren urteurrena.

Gaur egun gaztetxeko asanbladan 15 lagun inguru izaten dira. Batez ere kontzertuak antolatzen dituzte, baina euren asma da bestelako ekintzak ere antolatzea, nahiz eta badakiten hitzaldietara, esaterako, oso jende gutxi joaten dela. Asanbladako esanetan, "borrokatzeko gauza asko gelditzen da oraindik, eta garrantzitsua da gazteen kontzientziazioa bultzatzea eta pasotismoarekin amaitzea". /2004-03-18



Besteak beste, herri bazkaria antolatu zuten urteurrena ospatzeko..

POLITIKA

EAJ nagusi Elgetan, 266 botorekin, hauteskundeetan

Espainiako Gorteetarako hauteskundeak izan ziren martxoaren 12an. Emaitzen arabera EAJ izan zen nagusi, 266 botorekin; Aralar-Zutik koalizioa, bigarren, 143 boto jasota. Bergarako Ekimenaren aldeko 95 botoak balio gabetzat jo zituzten. Guztira, 643 boto izan ziren. /2004-03-18

UDALA

Udalak 16 proiektu aurkeztu zituen Izartu programan

Gainbehera etorritako herriak edota ekipamendu faltan daudenak berpizteko Izartu programa du Eusko Jaurlaritzak. Laguntza jasotzeko 4.741.000 euroko eskaria egin zuen Elgetako Udalak. 16 proiektu aurkeztu zituen, baina dirulaguntza ukatu zioten. /2004-03-26

APIRILA



"Gure erroka noizbait Aste Santuko prozesioan Hilobi Santua berriz ateratzea da, baina oso pisu astuna du"

JOSE ANTONIO RETOLATZA
PROZESIOKO PARTE-HARTZAILEA
2004-04-07

UDALA

Udalak 6.808.443 euroko aurrekontua onartu zuen

Zinegotzi guztien eta alkatearen aldeko botoekin 2004ko udal aurrekontua 6.808.443 euro izatea adostu zuten.

Aurtengoa inoizko aurrekonturik handiena izan da. Iazkoarekin alderatuz bikoiztu egin dutela esan daiteke.

Aurrekontutik 5.647.649 euro inbertsioetara bideratu dituzte, eta Hirigintza batzordearen inbertsioetarako izan da kopuru handiena.

Aurrekontua onartu arren, Aralarkoek zalantzak azaldu zituzten EAJ-EAK aurkeztutako diru sarreraren gainean. Beraz, adostu zuten sarrerak etorri artean gasturik ez egitea. Baita agintaldiari begira diru sarreraren planigintza egitea ere. Elgeta Auzolanian plataformak ere eman zuen iritzia. Euren esanetan, "aurrekontuak desorekatuegiak dira, % 83 eraikuntzara bideratuta baitago". /2004-04-30



Aurtengo aurrekontua inoizko handiena da; iazkoaren bikoitza, hain zuzen ere.

ELGETA


Sasi guztien gaineratik eta laino guztien azpitik
Badihardugu



AUZOLANIAN

HERRIAREN HITZA ERRESPETATU

ORAIN HERRIA ORAIN BAKEA



AUZOLANIAN UDALETXERA

MAIATZA



"Letrak idazteko momentuan gertatutako gauzetan inspiratzen naiz eta nire kantuek sentimenduak azaltzen dituzte"

IZASKUN OJANGUREN
KANTARIA
2004-05-28

EPAIKETA

Hilketa eta lapurreta egotzi zizkioten Aitor Mendikuteri

Donostiako Justizia jauregian epaitu zuten Aitor Mendikute. Arrate Elkoro Elgetako tabako saltzailea labankadaz hiltzea eta lapurretan egitea egotzi zizkioten.

Elgetako Udalak eta hildakoren familiak salaketa ipini eta 30 urteko kartzela zigorra eskatu zuten. Fiskalak, aldiz, 25 urtekoa.

Epaiketan lekuko gisa deklaratu zuten hildakoren senideek,


lagunek, hainbat elgetarrek, ertzainek eta auzitegiko medikuak, besteak beste.

Epaia ikusita, fiskalak 24 urteko kartzela zigorra eskatu zuen Mendikuterendako eta akusazio partikularrak eta herri-akusazioak, aldiz, 27 urtekoa. Azkenean 23 urteko zigorra jarri zioten, baina abenduan bi urte gutxitu zuten zigor hori. /2004-05-21

ORDULARIA

Iazko uda ezkerro geldo egon ostean elizako erlojua konpondu zuten

Elizako erlojuak iazko udan utzi zion funtzionatzeari, zikinaren eta herdoilaren eraginez. Gasteizen konpondu zituzten Sueskun anaiek eta eurak arduratu ziren erlojua berriz martxan ipintzeaz. Lanerako kanpandorretik zintzilikatu ziren. Erlojua konpontzeko Joakin Gastezik 5.000 euro eman zituen. /2004-05-21



Langileak kanpandorretik zintzilik.

EKAINA



"Bolo jokalaria ona izateko artea eta tenplea beharrezkoak dira"

LUZIO SARASKETA
BOLO JOKALARIA
2004-05-18



"Herriatik herrirako jardun dugu eta jardungo dugu lanean"

OXEL EROSTARBE
ARALARKO ZINEGOTZIA
2004-06-11

KULTURA

Antzezlan batekin inauguratu zuten Espaloia Kafe Antzokia

Ekainaren 26an zabaldu zituzten Espaloia Kafe Antzokiko ateak. Orain dela lau urte baino gehiago aurkeztu zuen proiektua Goibeko kultura elkarteak Udalean; eta hamai-ka gorabeheraren ostean proiektua aurten gauzatu da.

Aretoaren helburu nagusia kultura eskaintza ahalik eta modu duinenean egitea da. Espaloia kudeatzen duen Goibeko elkartearen esanetan,

"areto honek ziurtatuko du herritar guztiendako plaza berria izatea, kulturarendako leku zaindua denondako".

Inaugurazio ekitaldian Albadulake konpainiak *Malaje* antzezlanaren eraman zuen taula gainera, eta gainezka egon zen aretoa. Orduetik hona askotariko kultura ekitaldiak izan dira: kontzertuak, antzerkiak, hitzaldiak, diapositiba emanaldiak, zinekluba... /2004-04-25



Espaloia diseinu eta baliabide modernoekin egokitu dute.

HAUTESKUNDEAK

EAJ alderdi bozkatuena Elgetan Europako Legebiltzarrerako

Normaltasuna izan zen nagusi Europako Legebiltzarrerako hauteskundeetan. Hala ere, aipatzekoa da abstentzio maila altua, %46,78, hain zuzen ere. Elgetan alderdirik bozkatuena EAJ izan zen 190 botorekin. Bigarren indarra Herriarren Zerrenda izan zen 99 boto jasota eta Aralar hiru-garrena, 76 botorekin. /2004-06-18

ARAU SUBSIDIARIOAK

Etxebizitzaren gaineko arau subsidiarioak aldatzea erabaki zuten

Arau subsidiarioetan, etxebizitzaren gaian, aldaketa egitea erabaki zuten Udalean. Ondorioz, babes ofizialeko etxebizitzetaz gain, hainbat gunetan etxebizitza tasatuak edo beste babes publiko mota batekoak eraikitzeak aukera dago. Aldaketaren arrazoia da enpresa eraikitzaile askok ez dituela babes ofizialekoak egin nahi. /2004-06-25



BARRENENGUA BASERRI TURISMOA

Egoetxeaga auzoa
20690 ELGETA
Tel.: 943 76 82 21

Urte berri on zorionsua!

SISTECO

MAKINA-ERREMINTAK

Makina-erreminten salmenta,
laguntza teknikoko zerbitzua (SAT)
eta berreraikuntza

Urte berri on guztioi!

UZTAILA



"Hirugarren adinekoen beharrei erantzun nahi diegu zentro berriarekin"

KARMELE KORTA
GIZARTE LAGUNTZAILEA
2004-07-9



"Txirrindulari elkarteak jarrai dezan lekuko aldaketa behar dugu"

EMILIO MANDALUNIZ
TXIRRINDULARI ELKARTEKOA
2002-07-23

INDUSKETAK

Gerrako zortzi gorpuzki aurkitu zituzten Aranzadikoek

Intxorta inguruan eta Antsoategi baserriaren ondoan indusketa lanak egin zituen Aranzadi Zientzia Elkarteak. 36ko gerran hildakoen gorpuzkiak aurkitu zituzten bertan.

Apirilean gorpuzkiak egon zitezkeela esan, eta, indusketa lanen ostean, ekainean azaldu zituzten egindako aurkikuntzak.

Guztira zortzi gorpuzki aurkitu zituzten: Intxortan hiru eta Antsoategi baserri inguruan bost.

Airetik botatako bonba batek Intxortako babeslekua zulatu zuen, eta hiru gudari hil zituen. Horien gorpuzkiak izan dira aurtent aurkitutakoak. Bestalde, Antonio Iturricastillok emandako argibideei esker aurkitu zituzten beste bostak.

Uztailean Aranzadi elkarteak bere webgunean ipini zuen aurkikuntzen gaineko informazio zehatza: Intxortako borroka, hilotzen txostena... /2004-07-16



Aranzadi zientzia elkarteak egin zituzten indusketa lanak.

URA

Uriarte auzora ura eramateko lanak amaitu zituzten

Urarekin Uriarte auzoko bizilagunek zituzten arazoak konpontzeko hainbat obra egin dituzte. Lehen, iturburu batek hartzen zuten ura; baina bigarren faseko lanak uztailean amaitu ziren, eta lehorre garaietan ere ez dute urarekin arazorik izango hemendik aurrera. /2004-07-09

JAIK

Jai batzordearen balorazio positiboa jaien ostean

Azoka Nagusiko jaiak amaituta zortzi lagun elkartu ziren eta jaiari buruzko iritziak jasoz zituzten hurrengo urteetarako kontuan hartzeko. Oro har balorazio positiboa egin zuten egitarauko puntuak aztertuz. Jendearen parte-hartze handia azpimarratu zuten batzordeak. /2004-07-23

ABUZZTUA



"Mankomunitateak turismoa indartzeko ahalegina egin nahi du; ostalariek aldeko jarrera azaldu behar dute horretarako"

PATXI BASAURI
ALKATEA
2004-09-03

TURISMOA

Tabernak zabalik eta baserri turismoko etxeak beteta

Abuztuan herriko tabernarik gehienak zabalik egon ziren, baita Elgetan dauden baserri turismoko bi etxeak ere.

Inguruko herrietan jatetxe batzuk itxita egon zirenez, kanpoko jendeak Elgetara jo zuen jatorduak egitera.

Barrenengua eta Eguzkitza baserri turismoko etxeak ere beteta egon ziren abuztuan. Italia, Alemania, Zeelanda Berria,

Frantzia, Gales eta Espainiako jendea izan zen bertan, batez ere kataluniarrak.

Alkatearen esanetan, "Elgeta Euskal Herriko erdigunean egonik kanpotar askok aukeratu du ostatu hartzeko".

Datorren urteari begira Udalak eta Mankomunitateak turismoa indartu nahi dute eta udako giroa alaitzeko ekitaldiak antolatu. /2004-09-03



Baserri turismoko bi etxeak jendez beteta izan ziren abuztuan.

antopullmans
Araba

Gabon zoriontsuak
pasa ditzazuela
elgetar guztiok!

Tel.: 943 76 55 70 ANGIOZAR

LANDETXA
EGUZKITZA



Eibarrerako bidea z/g Elgeta
Tel.: 943 78 90 84 Sakelakoa: 679 41 66 97

Jangela zerbitzua



Urte berri on opa dizuegu denoi!

Suite antzeko
lau logela
bikoitz:

Bainu osoarekin
*
Telebista
*
Berogailua, etab.



IRAILA



"Taldean kirola egin eta gorputza mugitzeko aerobik eskoletara etortzeko animatu nahi dut jendea"

MAIER IRAZABAL
AEROBIK IRAKASLEA
2004-09-17

HAURRESKOLA

Herri Eskolan zabaldu zuten behin-behineko haurreskola

Irailaren 15ean hasi zen ikasturtea haurreskolan. Lanean diharduten gurasoei laguntza emateko eta haien seme alabak hezteko helburua du.

Herri Eskolako gela bat egokitu zuten horretarako. Bertan, lotarako eta atsedenerako gune bat dute sehaskekin, beste gune zabal bat jolaserako eta baita sukaldea eta komuna ere. Kokapena, ordea,

behin-behinekoa da; izan ere, gero, Torrealdean egiten ari diren etxe-etan ipiniko dute.

Hiru umek hasi zuten ikasturtea Olatz Sarasola irakaslearekin, baina haurreskolan 0 eta 3 urte arteko hamar haurrendako lekua dago. Umek, besteak beste, jolas egiten dute, ipuinak entzun eta baita psikomotrizitate ariketak egin ere. /2004-09-10

GARRAIOA

Bergararako eta Arrasaterako autobus zerbitzu berriak abian

Elgeta Bergara eta Arrasaterekin lotzeko autobus zerbitzu berriak ipini zituzten, Udalak eta Foru Aldundiak adostuta. Izan ere, ikastera, errehabilitaziora edo ospitalera jende asko joaten da bi herri horietara, eta orain artean autobus gutxi zeuden. Lehen hilabetean zerbitzuok 381 bidaiarik erabili zituzten. /2004-09-12

INGURUMENA

Pinudietan txingorak eragindako kalteak aztertu zituzten

Uztailean izandako txingor zaparradak herriko hainbat pinudi kaltetu zituen, guztira 80 hektarea. Kaltea zenbaterainokoa izan zen aztertzeko Foru Aldundiko adituak izan ziren inguruetan. Gero, jabeei eman zieten ateratako ondorioen berri, eta horren arabera laguntzak eskatu ahal izan zituzten. /2004-09-17

URRIA



"Buztin zati batekin eta sormenarekin gauza asko egin daitezke"

PILI ARIN
ARTISAUA
2004-10-01



"Gure aurtengo erronka nagusia Eskola Txikien Jaia antolatzea da"

MIREN ARGÍ ZEZIAGA
GURASO ELKARTEKO PRESIDENTEA
2004-10-08

MUSIKA

Herriko hiru talde aurten Danbaka musika lehiaketan


Urriaren 22an ipini zuten abian Danbaka, Debagoieneko musika lehiaketa. 43 taldek eman zuten izena lehiaketarako eta horien artean hiru Elgetakoak ziren. Hogei talde aukeratu zituen epaimahaiak aurrera egiteko eta Elgetako hirurak zerrenda horretan ziren: Ostiada Oi! eta Matxura taldeak eta Izas bakarlarria.

Emanaldiak Espaloia aretoan izan ziren. Matxura taldea

izan zen parte hartzen lehena. Elgeta eta Sorluzeko kideak daude taldean eta pop musika egiten dute.

Hurrengoia Izaskun Ojanguren *Izas* izan zen, eta hark ere pop doinuak eskaini zituen gitarraren laguntzaz.

Ostiada Oi! taldean Elgetako, Bergarako eta Arrasateko mutilak daude, eta haiek azkenak jardun zuten, oi! musika eginez. /2004-10-22



Ostiada Oi! taldea izan zen lehiaketan parte hartzen azkena.

POLITIKA

Plataformak esan zuten dinamika bera jarraituko duela

Herri batzarra egin zuten, Elgeta Auzolanian plataformak deituta, Udaleko gorabeherak eta egoera politikoa aztertzeko. Bertan jakinarazi zuten ordura artean bezala osoko bilkuretan eta batzordeetan parte hartzen jarraituko dutela. Dena dela, botoen arabera dagokien zinegotzia eskatu zuten. /2004-10-22

URA

Herri barruko ur hodietan konponketak egiten hasi ziren

Herria hazten ari dela eta ur gehiago behar dela konturatuta, ur hodierian konponketak egiten hasi ziren. Ur depositutik Salvador kalera bitartean hodi handiagoa ipini behar dute. Horretarako urrian behin-behineko konponketa egin zuten, gerora hodia aldatzerakoan ur mozketak egon ez daitezken. /2004-10-15

*Elena Elkorok zorionik beroenak
opa dizkizue elgetar guztioi.
Zorionak eta urte berri on!*



SAIOA ARANZABAL MASAJEAK

ELGETAN, DOMINGO ITURBE 10ean

- | | |
|-----------------|----------------------------|
| • Kiromasajea | • Solariuma |
| • Reflexologia | • Drenaje linfatikoa |
| • Hidromasajea | • Algekin eginiko estalkia |
| • Kirol masajea | • Depilazioa laser bidez |
| • Podologia | |

Urte berri on!

Dei ezazu 646 50 00 29 telefonora ordua eskatzeko

AZAROA



"Lehen kanpora joan behar genuen zinemara, orain herrian dugu"

MAITE MANDALUNIZ
ZINEKLUBEKO KIDEA
2004-11-05



"Tamalez taldean edo koadrilan abesteko ohitura galtzen ari gara"

MARIA ELENA EZTENAGA
LIBURUZAINA
2004-11-26

GIZARTE ZERBITZUAK

Eguneko Zentroa zabaldu zuten adineko bost lagunekin

Uztailean inauguratu bazuten ere, zentro balioanizduneko atek azaroaren amaieran zabaldu zituzten. Bertan batetik eguneko zentroa dago eta zaintzapeko etxebizitza bestetik.

Eguneko zentroa zabaldu zuten lehenengo eta bost lagunekin ekin zioten jardunari. Horietatik hiru dira elgetarrak eta beste biak Eibarkoak. Zaintzapeko etxebizitzarako, berriz, ez du inork izena eman oraindik.

Jardueretarako eremua, bainugela geriatrikoa, bulegoa, biltegia eta garbitokia daude Eguneko Zentroan. Adineko pertsona ezinduei eta adinekoak ez izan arren ezintasunen bat dutenei eskainiko zaie laguntza.

Elgetarrek egoitzetara eta eguneko zentroetara kanpora joan behar izaten zuten orain arte eta orain herrian jasoko dute laguntza hori euren ohiko harremanak hautsi gabe. /2004-11-26



Hiru elgetar eta bi eibartarrekin hasi zuen jarduna Eguneko Zentroak.

KIROLA

Aurten Eskola Kirol programan 40 ikaslek dihardu

Ikasleen artean kirol zaletasuna bultzatzeko Eskola Kirol programa abian ipini zuten. Aurten 40 ikaslek eman zuten izena. 6 eta 16 bitarteko ikasleek hainbat kirol probatzen dituzte. Euretako batzuek, gainera, Bergaran eskolen arteko lehiaketan hartzen dute parte. /2004-11-19

TABERNAK

Kiroldegiko Bolatoki taberna ireki zuten jabe berriek

Lehenengo jabeek taberna utzi eta hainbat hilabetez itxita egon ostean, berriz zabaldu zuten Bolatoki taberna. Durangoko Feli Descarga da jabe berria. Taberna ez ezik kiroldegia bera zaintzeko ardura ere hartu zuen eta baita bertako mantentze-lanak egitekoa ere. /2004-11-26

ABENDUA



"Kubara bizikletaz joan eta etxe partikularretan hartu nuen ostatu euren egoera gertutik ezagutu nahi nuelako"

BIXENTE ASKASIBAR
BIDAARIA
2004-12-03

AZOKA

Eskola Txikien jairako dirua jasotzeko azoka egin zuten

Gabonen bueltan sortu ohi den kontsumismo giroari aurre egiteko, eta bide batez, Eskola Txikien Jairako dirua jasotzeko bigarren eskuko gauzen Azoka Txikia antolatu zuten.

Herritarrek eskolara eramandako bigarren eskuko hainbat gauzak ipini zituzten salgai hamar postutan: arropak, puzzleak, jostailuak, pelutxeak, heldu zein umeendako liburuak eta kirol materiala, poltsak, pitxiak,

koadroak, ikus-entzunezko gaiak, gutuziak eta baita eskolako umeen argazkiak ere.

Postu hauetan Herri Eskolako umeek egin zituzten saltzaile lanak eta herritarrek gabonetako opariak erosteko baliatu zuten aukera.

Ikasle eta irakasleez gain, herriko alderdi politikoetako ordezkariak ere izan ziren azokan lanean. Hauek txosna ipini zuten plazan. /2004-12-03



Eskolako umeek saltzaile lanak egin zituzten hainbat postutan.



**I
L
E
A**

Orain solarium bertikala!

Marijok eta Anak gabon zoriontsuak opa dizkizute!

ILE APAINDEGIA

Andra Mari plaza 2
Tel.: 943 76 81 97
Elgeta




BOLATOKI

- ✓ Etxean egindako ogia
- ✓ Asteazken menua
- ✓ Asteburuetan kazuelatxoak, ogitartekoak eta plater konbinatuak.

Gabon zoriontsuak igaro!

Artakale 2 Elgeta • 943 76 82 84






ELGETAKO UDALAK
HERRITARROI
GABON ZORIONTSUAK
OPA DIZKIZUE!



URTE BERRI ON ELGETAR GUZTIOI!



MAKINA-ERREMINTA SL Elorrio bidea z/g, Elgeta.